
ШУХРАТ ҒАНИЕВ: ҲОЗИР БИЗГА КИЧИК, МАХСУЛОТ ТУРИНИ БОЗОР ЭҲТИЁЖИГА ҚАРАБ ЎЗГАРТИРАДИГАН КОРХОНАЛАР КЎПРОҚ КЕРАК!

Коронавирус пандемияси даврида давлат аввало одамларнинг саломатлигини ўйлаб барча чоратadbирларни кўрмоқда. Лекин айни чоқда иқтисодиёт ҳам муҳим. Бундай шароитда карантин қоидаларига риоя қилган ҳолда иш ташкил этиш, ички ва ташқи бозорга маҳсулот чиқариш, экспорт мажбуриятларини бажариш раҳбар ва ташкилотчилардан масъулиятгина эмас, балки бошқарув қобилияти ҳам талаб этади.

Фарғона вилояти ҳокими Шухрат Ғаниевнинг шаҳар-туманлар аҳолиси билан уларнинг иш жойига бориб ўтказаятган учрашувлари давом этмоқда. Бугун вилоят раҳбари Тошлоқ туманидаги ишлаб чиқариш корхоналарида бўлди. “Мартошмахсускийим” масъулияти чекланган жамияти фаолияти билан танишган Шухрат Ғаниев корхонанинг бугунги ишларини чуқур таҳлил қилди.

- Асосан Россияга махсус кийимлар тикмоқдамиз, - дейди уста Зулфия Холиқова вилоят ҳокимиغا.
- Шароитлар яратилган. Тушлик, транспорт бепул. Иш ҳақимиз ўз вақтида бериб турилибди.

Вилоят раҳбари бу ердаги ютуқларини эътироф этган ҳолда қишлоқ жойларидаги вақтинча ишсиз аёллар учун янги иш ўринлари яратиш борасида кўрсатмалар берди.

Мутахассисларнинг айтишича, ишлаб чиқарилаётган маҳсулотнинг 80, баъзи ойларда 90 фоизи экспорт қилинмоқда. Бундан ташқари шу йилнинг 6 ойида ички бозорига 600 миллион сўмлик ўзлари тиккан кийим-кечак етказиб берилган.

Вилоят ҳокими ишчи мутахассисларнинг яна бир масаласини шу ердаёқ ҳал қилди. Корхона табиий газ тармоғига уланмаган эди.

- Шухрат Ғаниев бизнинг цехга келиб хол аҳволимизни, саломатлигимизни сўради, биз билан самимий суҳбатлашди, - дейди тикувчи Маҳлиё Алибоева. - Энг таъсирлиси шу бўлдики, вилоят ҳокими бизга ўзининг уяли телефони рақамини берди. Муаммо бўлса менга кеча-кундуз демай қўнғироқ қилаверинглар, деди.

Тошлоқнинг яна бир тадбиркори Фарҳод Ботиров “Агроимпекс VALLEY” Ўзбекистон – Корея қўшма корхонасини ташкил этган.

- Вилоят ҳокими Шухрат Ғаниев корхона муассислари билан мулоқот чоғида Тошлоқ туманида аҳоли зичлигини айтиб, бу каби ишлаб чиқаришга эҳтиёж катталигини таъкидлади.

- Ҳозир гигант корхоналар қуриш эмас, кичик, бозор шароитидан келиб чиқиб маҳсулот турини ўзгартира оладиган ишлаб чиқаришлар самара беради,-деди Шухрат Ғаниев.

- Жанубий Кореялик инвестор иккимиз муассислигимизда ташкил этилган корхонада кунига 30-60 тонна метал қувур ва профиллар ишлаб чиқарамиз. Унга 2 млн доллар инвестиция киритдик,-дейди жамият раиси Фарҳод Ботиров. - Шу йил август ойида, мамлакат мустақиллиги байрами арафасида иш бошлаймиз.

2019 йилда Фарҳод Ботиров автомобилларга юқори ўтказгичли свечаларнинг кабелларини ишлаб чиқаришни йўлга қўйганди. Илгари бу каби муҳсулотлар Ўзбекистонга фақат импорт қилинарди ҳолос. Корхона ҳозирда кунига 3000 та автомашина учун юқори сифатли кабеллар ишлаб чиқариш қувватига эга. Келгусида уни кенгайтириб экспортни йўлга қўйишмоқчи.

Тошлоқлик ишчи ва мутахассислар, тадбиркорлар вилоят ҳокими Шухрат Ғаниевнинг жойларга бориб аҳоли билан бу каби мулоқотлари эртанги кунга ишончимизни мустаҳкамламоқда, дедилар.